



Kabinet/Ured direktora

Кабинет директора

Broj: [REDACTED]

Datum: [REDACTED]

Na osnovu člana 193. Stav (1) Zakona o upravnom postupku Bosne i Hercegovine ("Službeni glasnik BiH" broj: 29/2., 12/4, 88/07, 93/09, 41/13, 53/16), a u vezi sa čl. 22., stav (1) tačka b) i 26. Stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", broj 61/23), rješavajući po zahtjevu za pristup informacijama [REDACTED] [REDACTED] Skenderija 3, 71000 Sarajevo, direktor Agencije za identifikacione dokumente, evidenciju i razmjenu podataka Bosne i Hercegovine donosi

RJEŠENJE o pristupu informacijama

1. Odobrava se podnosiocu zahtjeva [REDACTED] pristup traženim informacijama koje su pod kontrolom Agencije za identifikacione dokumente, evidenciju i razmjenu podataka Bosne i Hercegovine.
2. Informacija iz tačke 1. ovog Rješenja se nalazi u prilogu.


Образложење

Agencija za identifikacione dokumente, evidenciju i razmjenu podataka Bosne i Hercegovine je zaprimila 02.10.2024. godine putem e-maila zahtjev [REDACTED] kojim se traži dostava podataka iz evidencije motornih vozila.

Razmatranjem predmetnog zahtjeva, utvrđeno je da su ispunjeni uslovi da se u skladu sa članom 26. stav (4) a u vezi sa članom 25. stav (1) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", broj 61/23) odobri pristup traženim informacijama koje su pod kontrolom Agencije za identifikacione dokumente, evidenciju i razmjenu podataka Bosne i Hercegovine.

Pouka o pravnom lijeku:

Protiv ovog rješenja može se izjaviti žalba Žalbenom vijeću pri Vijeću ministara BiH, u roku od 15 dana od dostavljanja istog.



Prilog kao u tekst

Dostavljeno:

- Naslovu
- U spis predmeta



INFORMACIJA

Nakon uvida u evidencije koje tehnički vodi i održava Agencija za identifikacione dokumente, evidenciju i razmjenu podataka Bosne i Hercegovine, vezano za akt [REDACTED] od 02.10.2024. godine kojim se traži dostavljanje podataka iz evidencije motornih vozila, utvrđeno je kako slijedi:

u našoj evidenciji postoje podaci o vozilima koje dostavljaju nadležni organi iz člana 3. Pravilnika o registraciji motornih vozila, kao i podaci koje dostavljaju stanice tehničkih pregleda:

- mjesto prve registracije u BiH
- datum prve registracije u BiH
- prva registarska oznaka u BiH
- proizvođač vozila
- zemlja porijekla

Navedeni podaci su u većini slučajeva (preko 90 %) tačni.

Podaci nisu tačni u slučajevima kada nadležni organi prilikom registracije vozila u periodu od 1995. do 2005. nisu pravilno proveli postupak registracije vozila, te su vozila koja su u Bosni i Hercegovini bila registrovana prije ratnih sukoba registrovali kao vozila koja su prvi put registrovana u Bosni i Hercegovini.

Dokumenta o vozilima (originali ili kopije saobraćajnih dozvola vozila iz zemlje iz koje je uvezeno vozilo, carinske deklaracije, ostala dokumenta) se čuvaju trajno kod nadležnog organa koji je prvi put registrovao vozilo u BiH, te je za vas najznačajni podatak o mjestu prve registracije.

S obzirom na gore navedeno, pokušaću dati odgovore na vaša pitanja:

1. Dokumenti o vozilima koji su pratili vozilo iz zemlje uvoznice se čuvaju trajno u "dosijeu vozila" u MUP-u u mjestu prve registracije.
2. Cjelokupnim informacijama o nekom vozilu je moguće pristupiti ako je poznato "mjesto prve registracije u BiH".
3. Ne postoji centralni registar koji obuhvata podatke o vozilima iz prijeratnog perioda. Podaci o vozilima iz prijeratnog perioda se mogu dobiti pod uslovom da vozilo posjeduje saobraćajnu dozvolu iz prijeratnog perioda u kojoj piše "mjesto prve registracije" ili ako je vozilo iz prijeratnog perioda bilo registrovano, tj. u upotrebi poslije 2006. godine kada je uspostavljena centralna evidencija u BiH u kojoj se mogu naći podaci o prvoj registraciji. Za vozila koja su bila u upotrebi u prijeratnom periodu, ali nisu registrovana poslije 2006. godine ne posjedujemo podatke, te mjesto prve registracije možete isključivo saznati iz saobraćajne dozvole iz tog perioda, ako postoji.
4. Za vrijeme rata u BiH nisu poništeni dokumenti o vozilima. Kao što je gore rečeno, dokumenti o vozilima se čuvaju trajno kod nadležnog organa u mjestu prve registracije. Postoji mogućnost da je u toku ratnog sukoba u nekom mjestima uništena arhiva o vozilima, a isto tako postoji mogućnost da je uništena arhiva o vozilima usljed elementarnih nepogoda koje su se povremeno dešavale na području BiH (poplave, zemljotresi, požari), kao što je npr. poplava iz 2014. godine.

Dakle, potrebno je saznati mjesto prve registracije nekog vozila, te se obratiti nadležnom organu za dokumentaciju o vozilu, naravno ukoliko nije uništena iz nekog od navedenih razloga.

Podaci koje posjedujemo o vozilu koje ste naveli su:

1. Mjesto prve registracije: [REDACTED]
2. Datum prve registracije: [REDACTED]
3. Prva registarska oznaka u BiH: [REDACTED]
4. Proizvođač vozila: VOLKSWAGEN
5. Zemlja uvoza: GERMANY

Za dodatnu dokumentaciju o ovom vozilu potrebno se obratiti nadležnom organu MUP Unsko-sanski kanton, Velika Kladuša.

Informacija sačinjena dana 16.10.2024. godine.